

АКАФИСТ СЯТТЕЛЮ СПИРИДОНУ ТРИМИФУНТСКОМУ ЧУДОТВОРЦУ

Сайт akafist.top – заказать молитву или акафист

Кондак 1

Препрославленный от Господа святителю и чудотворче Спиридоне! ныне всечестную память твою празднующе, яко много могущему споспешествовати нам о прославльшем тя Христе, умильно вопием ти: избави нас от всяких бед и зол, да с благодарением зовем ти:

Радуйся, Спиридоне, предивный чудотворче.

Икос 1

От юности украшенный всеми добродетельми, житием своим Ангелом подражавый, ты, святителю Спиридоне, воистинну показался еси друг Христов; мы же, зряще тя, небеснаго человека и земнаго Ангела, со благоговением умильно вопием ти:

Радуйся, уме, созерцаая тайны Пресвятыя Троицы; радуйся, обогативыйся Духа пресветлым сиянием.

Радуйся, светильниче многосветлый; радуйся, ум твой безстрастием просветивый.

Радуйся, измлада истинную простоту и безмолвие возлюбивый; радуйся, украшение целомудрия.

Радуйся, любве неистощимая струя; радуйся, яко страннолюбию Авраама подражал еси.

Радуйся, яко всем любвеобильно входы дома своего отверзал еси; радуйся, нищих предстателю.

Радуйся, пред нимже благоговоят людие; радуйся, яко ты еси обиталище Пресвятаго Духа.

Радуйся, Спиридоне, предивный чудотворче.

Кондак 2

Видяще остров Кипр и вся христианския страны нетленные мочи твоя, святителю, от нихже истекают обильная исцеления, возрадовашася; и мы, почитающе тя яко преобильнаго источника благодати, низпосланнаго свыше нам, вопием к Верховному Подателю Небесных и земных благ: Аллилуиа.

Икос 2

Разум Божественный имый, аще сый пастырь безсловесных овец, ты произволением Пастыреначальника Христа избран был еси в пастыря овец словесных. Вернии же, разумевше тя добраго пастыря, неусыпно о стаде своем пекущагося, воспеваху:

Радуйся, архиерее Бога Вышняго, в хиротонии восприявый обильно Божественную благодать; радуйся, светильниче многосветлый, горяй и светяй.

Радуйся, верный делателю в вертограде Христовом; радуйся, пастырю, на пажити веры и благочестия паству твою воспитавый.

Радуйся, сияньми добродетелей твоих мир просвещавый; радуйся, Престолу Христову Божественную Жертву приносивый.

Радуйся, иерарше, разумением Православия украшенный; радуйся, апостольскаго учения исполненный, верных струями спасительнаго учения напаяй.

Радуйся, яко и мудрых озарил еси; радуйся, яко и простых сердца обновил еси.

Радуйся, славо православных и Церкви непоколебимое утверждение; радуйся, украшение отцев, славо и похвало иереев благоговейных.

Ра́дуйся, Спиридо́не, предивный чудотво́рче.

Конда́к 3

Си́лою Вы́шняго, осенівшою тя́, святітелю Спиридо́не, богому́др ты́ показалеся еси́ и, сжа́вши длáнию гліну, трóичность Ли́ц все́м очевíдно уясніл еси́; те́мже лжемудрии фило́софи, собравшиися на Собóре, ужасóшася, вѣрнии же непостижімаго просла́виша Бо́га, умудрившаго тя́ во спасѣние, вопи́юще Ему́: Аллилу́иа.

Ўкос 3

Име́юще тя́ в помышлѣниях сво́их вси́ отцы́ Собóра прóста, неиску́сна в кни́жном учѣнии, моли́ша тя́, óтче Спиридо́не, не препира́тися словесы́ с витією, мнящимся му́дру бы́ти. Ты́ же, святітелю, ре́вностию по Бо́зе распалѣемый, ве́руя, я́ко проповедь Христо́ва не в препрѣтельных му́дрости челове́чскія словесѣх, но в явлѣнии дýха и си́лы, премудре то́го обличив, вразумі́л и на пýть и́стинный наста́вил еси́. Всі́, видевше чýдо сие́, зыва́ху:

Ра́дуйся, све́те правосла́вныя му́дрости; ра́дуйся, я́ко глаго́лемых бы́ти му́дрых совопрóсников посрамі́л еси́.

Ра́дуйся, исто́чнице, благодáтию обильный; ра́дуйся, непоколебимый стóлпе, твёрдо содержа́щий сущих в ве́ре.

Ра́дуйся, омрача́яй всепа́губную е́ресь; ра́дуйся, чрез него́же попра́но бы́сть безуміе.

Ра́дуйся, я́ко персть земна́я проповѣда тво́йма рука́ма Святу́ю Тро́ицу; ра́дуйся, я́ко из гліны извѣл еси́ óгнь и во́ду во утвержде́ние догмата́ Святы́я Тро́ицы.

Ра́дуйся, я́ко просветі́л еси́ лю́ди сла́вити Сло́во, во́истинну Единосущное

Пребезнача́льному Отцу́; ра́дуйся, я́ко змíеву глав́у па́губныя а́риевы е́реси поразі́л еси́.

Ра́дуйся, я́ко тобо́ю пожѣрта бы́сть зло́ба; ра́дуйся, неверна́го мудреца́ совопрóсника к и́стинней ве́ре обративый.

Ра́дуйся, Спиридо́не, предивный чудотво́рче.

Конда́к 4

Жи́знь проводя́ в убо́жестве и нищете́, ни́щим и бѣдным бы́л еси́ пита́тель и помóщник и, любве́ ра́ди к ни́щим, змíя в зláто преложі́л еси́ и дал еси́ оно́е трѣбу́ющему твое́я по́мощи. Дивя́щеся о чудесі́ сѣм, благодарственнó вопи́ем к Бо́гу: Аллилу́иа.

Ўкос 4

Слы́шано бы́сть все́м и всю́ду, я́ко святітель Спиридо́н во́истинну е́сть жили́ще Святы́я Тро́ицы: вселі́ся бо в нём Бо́г Оте́ц, Бо́г Сло́во и Бо́г Дýх Святы́й. Сего́ ра́ди ты́ словесы́ и дея́ньми проповѣдал еси́ все́м христиáном воплощённаго и́стиннаго Бо́га, вопи́ющим:

Ра́дуйся, словѣс Бо́жиих тайнниче; ра́дуйся, домостроительство́ Бо́жие о спасѣнии мíра уясни́вый.

Ра́дуйся, я́ко научі́л еси́ не испы́товати е́же е́сть превы́ше рáзума и му́дрости челове́чскія; ра́дуйся, непостижі́мую де́йствующую в тебе́ си́лу Бо́жию яв́ивый.

Ра́дуйся, я́ко уста́ми тво́ими провещá Сáм Бо́г; ра́дуйся, я́ко вси́ послу́шаху тебе́ в сла́дость.

Ра́дуйся, мглу́ идолослужѣния разгна́вый; ра́дуйся, я́ко мно́гих к и́стинней ве́ре привѣл еси́.

Ра́дуйся, я́ко главы́ невидимых змíев порази́л еси́; ра́дуйся, я́ко тобо́ю прославля́ется ве́ра христиа́нская.

Ра́дуйся, я́ко све́тло озаря́еши все́х ублажа́ющих тя́; ра́дуйся, побóрнице христиа́нския ве́ры и Правосла́вия.

Ра́дуйся, Спиридо́не, предивный чудотво́рче.

Конда́к 5

Божество́ннаго Ду́ха преисполнен бы́л еси́, святителю́ Спиридо́не, ра́ди добродетельна́го жития́ твоего́; зане́ кро́ток, ми́лостив, чи́ст се́рдцем, терпели́в, непамятозло́бив, страннолю́бец бы́л еси́: сего́ ра́ди Творе́ц и в чудесе́х пресла́вна показа́ тя. Мы́ же, прославля́я Бо́га, просла́вльшаго тя́, вопие́м Ему́: Аллилу́иа.

И́кос 5

Равноа́нгельна Спиридо́на зрím, вели́каго чудотво́рца. Некогда́ страна́ от бездо́ждия и за́сухи вельми́ пострада́: бы́сть гла́д и я́зва, и мно́гое мно́жество люде́й умро́ша, моли́твами же святите́ля снiде с небесе́ на зе́млю до́ждь; лю́дие же, изба́вльшеся от бе́дствия, благода́рственно взыва́ху:

Ра́дуйся, вели́кому проро́ку Или́и уподо́бивыйся; ра́дуйся, я́ко до́ждь, отъе́млющий гла́д и недúги, благовре́менно низве́л еси́.

Ра́дуйся, па́ки моли́твами свои́ми не́бо заключи́вый; ра́дуйся, я́ко немилосе́рдаго купца́ лишéнием и́мениа наказа́л еси́.

Ра́дуйся, я́ко тре́бующим пи́щу оби́льно дарова́л еси́; ра́дуйся, я́ко любоблагоутро́бие Бо́га к лю́дем подвиза́еши.

Ра́дуйся, взе́мляй не́мощи немощных; ра́дуйся, богоблагода́тный челове́ком помо́щнице.

Ра́дуйся, боля́щим здравие подава́яй; ра́дуйся, егóже трепещут де́мони.

Ра́дуйся, безчи́сленных чуде́с исто́чнице.

Ра́дуйся, Спиридо́не, предивный чудотво́рче.

Конда́к 6

Завеса́ ветхозаве́тной ски́нии закрыва́ше во Свята́я Святы́х ковче́г, ма́нну и скрижа́ли. И хра́м тво́й, святителю́ Спиридо́не, имее́т ра́ку твою́, я́ко ковче́г, святы́я мо́щи твоя́, я́ко ма́нну, се́рдце твое́, я́ко скрижа́ли Божество́нныя благода́ти, на ни́хже зрím начертáнную пе́снь: Аллилу́иа.

И́кос 6

Наро́д Кiпра некогда́ за умно́жение беззакóний наказа́ Госпо́дь безпло́дием земли́, егда́ же при́де к свято́му Спиридо́ну знае́мый земледеле́ц, прося́ по́мощи, даде́ ему́ святы́й зла́то; мину́вшу же бе́дствию, земледеле́ц о́ный возврати́ па́ки зла́то. И — о чуде́се! — зла́то зми́й бы́сть. Прославля́юще Бо́га, дивна́го во святы́х Свои́х, вопие́м:

Ра́дуйся, я́ко Моисе́ю, чуде́сно преложи́вшему же́сл в зми́я, подража́л еси́; ра́дуйся, человеколю́бивый па́стырю, изба́вляяй от бе́д словесны́я о́вцы ста́да своего́.

Ра́дуйся, оби́льно все́х все́ми блага́ми обогаща́яй; ра́дуйся, я́ко Или́я, бе́дных пита́вый.

Ра́дуйся, немилосе́рдых к милосе́рдию обраща́яй; ра́дуйся, достоподража́емый приме́р любве́ для челове́ков, в ми́ре живу́щих.

Ра́дуйся, ве́рных и неверных в беда́х утеше́ние; ра́дуйся, дре́во сенноли́ственное, гра́д и страну́ осеня́ющее.

Ра́дуйся, сла́во и похва́ло керкірян; ра́дуйся, над вла́гою и су́шею, знóем и хла́дом благода́тию Бо́жиею влады́чествуяй.

Ра́дуйся, уста́вы землі моли́твою пременя́яй; ра́дуйся, бу́дущая, я́ко настоя́щая, прови́девый.

Ра́дуйся, Спиридо́не, предивный чудотво́рче.

Конда́к 7

Хода́тай пред Го́сподем за все́х яви́лся еси́, святите́лю Спиридо́не: се́го ра́ди и мы́ прибега́ем под кро́в тво́й, и́щуще спасе́ния, вси́ бо помо́шника тебе́ има́мы во все́х ну́ждах, во вре́мя гла́да, смертоно́сныя я́звы и во вся́ годи́ны бе́д и искуше́ний. Се́го ра́ди благода́рственно вопие́м Бо́гу: Аллилу́иа.

И́кос 7

Но́вое чу́до ви́дим и боголе́пное: егда́ ты́, о́тче, шество́вал изба́вити непови́нно осужде́ннаго на сме́рть, бу́рный пото́к прегради́ пу́ть тебе́; ты́ же и́менем Всемо́гущаго Бо́га повеле́л ему́ ста́ти и преше́л еси́ со спу́тники чрез реку́, я́ко по су́ху. Сла́ва о се́м чудеси́ распро́странися всю́ду, и вси́ просла́виша Бо́га, вопию́ще к тебе́:

Ра́дуйся, я́ко иногда́ Иису́с Нави́н чрез Иорда́н реку́ по су́ху преше́дый; ра́дуйся, ре́чная устремле́ния гла́сом своим укроти́вый.

Ра́дуйся, я́ко тру́дный пу́ть предпри́ял еси́, дви́жимый милосе́рдием; ра́дуйся, я́ко клевету́ разруши́л еси́ и непови́ннаго от у́з темни́цы и напрасны́я сме́рти изба́вил еси́.

Ра́дуйся, жи́зни по Бо́зе благой поспе́шнице; ра́дуйся, непови́нно угнетённых защи́тителю.

Ра́дуйся, уста́вов естества́ во́днаго премените́лю; ра́дуйся, я́ко судию́ вразуми́л еси́ и от убий́ства спа́сл еси́.

Ра́дуйся, и́стинное исправле́ние ду́ш; ра́дуйся, дивная́ си́ло, пото́ки удержа́вающая.

Ра́дуйся, усажда́ющий сердца́ челове́ков, к тебе́ притека́ющих; ра́дуйся, человеколю́бию Авраа́ма подража́телю.

Ра́дуйся, Спиридо́не, предивный чудотво́рче.

Конда́к 8

Стра́нник и пришле́ц бы́л еси́ на землі, я́коже и про́чии челове́цы. Оба́че из чре́ва ма́тере Всеведу́щий вели́каго уго́дника и чудотво́рца показа́ тя, святите́лю Спиридо́не: бе́сы бо изгоня́еши, всякую́ боле́знь и я́зву исцеля́еши, помышле́ния люде́й зри́ши, те́мже и дивен во святы́х показале́ся еси́. Мы́ же, возсыла́юще моли́тву ко Благода́телю все́х Бо́гу, вопие́м Ему́: Аллилу́иа.

И́кос 8

Ве́сь ми́р у́жасом мно́гим содрогну́ся, егда́ услы́ша, я́ко сме́рть, по гла́су тво́ем, возвра́щает из гробов́ мертвецы́ своя́, и возопи́:

Ра́дуйся, уме́ршую дце́рь свою́, да яви́т вруче́нное ей́ сокрови́ще, к жи́зни воззва́вый; ра́дуйся, ско́рбную вдови́цу, на сохра́нение зла́то вда́вшую, утешивый.

Ра́дуйся, уме́ршее отро́ча из ме́ртвых воскресы́вый; ра́дуйся, я́ко ма́терь его́, внеза́пно от ра́дости уме́ршую, оживи́вый.

Ра́дуйся, я́ко уподо́бился еси́ Или́й, моли́твами сы́ну саре́птския́ жены́ жи́знь возврати́вшему; ра́дуйся, я́ко и Елиссе́ю, возбуди́вшему от сме́рти отро́ча, подража́л еси́.

Ра́дуйся, па́стырю, пре́йскренне лю́бящий челове́ки; ра́дуйся, же́не блудни́це, слеза́ми но́зе тво́й омывше́й, грехи́ и́менем Бо́га отпу́стивый.

Ра́дуйся, святу́ю ре́вность верхо́внаго апо́стола стяжа́вый; ра́дуйся, я́ко нераска́янная грёшница, по глаго́лу тво́ему, в тяжких боле́знях у́мре.

Ра́дуйся, землѝ плодоноси́е моли́твами тво́ими испроси́вый; ра́дуйся, непреложное воскресе́ния челове́ков увере́ние.

Ра́дуйся, Спиридо́не, предивный чудотво́рче.

Конда́к 9

Ду́ха Божество́ннаго осия́ньми озаре́н бы́л еси́, святителю́ Спиридо́не, имѣл бо еси́ ду́ха премудро́сти, я́ко му́дрыми словеса́ми безу́мных обуи́л еси́ и посреде́ отце́в ве́ру утверди́л еси́; ду́ха ра́зума, я́ко умы́ омраче́нныя озари́л еси́; ду́ха стра́ха Бо́жия, я́ко ви́ну де́лания богоуго́дными ду́шу очи́стил еси́. Те́мже, предста́в Престо́лу Вы́шняго, с со́нмом А́нгелов воспева́еши Ему́: Аллилу́иа.

И́кос 9

Же́зл па́стыря словесных овец от Па́стырначальника Го́спода Иису́са прие́мый, святы́й Спиридо́н не пременѝ жити́я свое́го: нестяжа́телен, кро́ток, любве́ ради́ все́я терпѝй, не постыде́ся пе́щися и о ста́де безсловесных овец. Все́я сия́ возбужда́ют на́с сла́вити Бо́га и взыва́ти тебе́:

Ра́дуйся, сла́ву ми́ра сегó я́ко су́етную презре́вый; ра́дуйся, мзду́ мно́гу на Небесе́х стяжа́вый.

Ра́дуйся, кра́сная ми́ра сегó в уме́ты вмени́вый; ра́дуйся, сосу́де Небесных бла́г.

Ра́дуйся, святе́йшая па́жите кипри́отов; ра́дуйся, я́ко тебе́ ради́ Бо́г хи́щников овец твои́х невидимыми у́зами связа́.

Ра́дуйся, та́тем оте́ческое вразумле́ние препода́вый; ра́дуйся, по милосе́рдию тво́ему за прове́денную без сна́ но́щь овна́ им дарова́вый.

Ра́дуйся, непослуша́нием ко́злища, я́ко бы́ разум иму́щаго, купца́, утайвшаго це́ну его́, обли́чивый; ра́дуйся, утайвшаго сре́бренники тво́я к пока́йнию приве́дый.

Ра́дуйся, я́ко стра́сти корыстолю́бия увеща́нием сво́им исцели́л еси́ его́.

Ра́дуйся, Спиридо́не, предивный чудотво́рче.

Конда́к 10

Спаса́яй ду́ши па́сты, Бо́гом тебе́ ввѣренныя, ты́, святителю́ Спиридо́не, произво́лением Бо́жиим, зва́н бы́л еси́ я́вити сла́ву твою́, па́че же сла́ву Истиннаго Бо́га, и в инѝя страны́, да всю́ду сла́вят И́мя Бо́жие, вопи́юще: Аллилу́иа.

И́кос 10

Ско́рый помо́щник и засту́пник во все́яких ну́ждах и ско́рбех, святы́й Спиридо́н, по повеле́нию цареву́, я́коже и про́чии па́стыри, прииде во гра́д Антиохи́ю, иде́же бе́ одержи́мый боле́знию ца́рь Константи́й; святитель гла́вы его́ косну́ся и сотвори́ здра́ва. Сему́ чудеси́ дивя́щесе́я, вопие́м ти́:

Ра́дуйся, его́же в со́нном виде́нии А́нгел, я́ко целите́ля, я́ви царю́; ра́дуйся, Божество́нныя ради́ любве́ трудо́ный пу́ть в ста́рости восприя́вый.

Ра́дуйся, цареву́ рабу́, уда́рившему́ тя́ в лани́ту, по за́поведи Спаси́теля, друго́ю подста́вивый; ра́дуйся, сто́лпе смире́ния.

Ра́дуйся, моли́твами сво́ими слезно́ прося́щему царю́ здра́вие дарова́вый; ра́дуйся, я́ко уничи́жением сво́им раба́ вразуми́л еси́ и немилоси́вый нра́в его́ пременѝл еси́.

Ра́дуйся, я́ко благоче́стию и милосе́рдию ца́ря научи́л еси́; ра́дуйся, я́ко, ненави́дяй земна́я сокро́вища, зла́то ца́ря отвёргл еси́.

Ра́дуйся, я́ко учени́ка своего́ Трифи́ллиа от пристра́стия к земны́м блага́м отврати́л еси́ и сосу́дом благода́ти Бо́жия соде́лал еси́; ра́дуйся, я́ко прише́дшу тебе́ в Алекса́ндрію, ідоли падо́ша.

Ра́дуйся, е́му же и бе́си повиную́тся; ра́дуйся, я́ко от идоло́служе́ния мно́гих отврати́л еси́.

Ра́дуйся, Спиридо́не, предивны́й чудотво́рче.

Конда́к 11

Пе́ние а́нгельское бы́сть, егда́ во хра́ме приноси́л еси́, святите́лю Спиридо́не, вече́рняя моли́твы Твоя́, и не бе́ша сослужа́щие тебе́. Жи́телие же гра́да, дивное пе́ние слы́шавше, внидо́ша в хра́м и, нико́гоже ви́девше, с Го́рними си́лами воспева́ху: Аллилу́иа.

Ўкос 11

Светоза́рное со́лнце ми́рови, собесе́дник А́нгелов бы́л еси́ на землі, святите́лю Спиридо́не; преда́в же ду́х тво́й в ру́це Бо́жии, пресели́лся еси́ в Го́рняя селёния, моля́ся за ми́р пред Престо́лом Влады́ки. Мы́ же, живу́щии на землі, вопие́м ти́: Ра́дуйся, я́ко тебе́, е́ще живу́ су́щу, сослужа́ху А́нгели; ра́дуйся, псалмопе́ние Арха́нгелов слы́шавый.

Ра́дуйся, ви́димый о́бразе на́шего преображе́ния; ра́дуйся, я́ко недоста́вшу еле́ю в хра́ме Бо́г тебе́ ра́ди с избы́тком лампа́ды напо́лни те́м.

Ра́дуйся, лампа́до Божество́ннаго сия́ния; ра́дуйся, сосу́де благода́ти Бо́жией, оби́льно, подо́бне еле́ю, наполня́ющей ду́шу твою́.

Ра́дуйся, неизсяка́емый исто́чнице, прісно исто́чающий все́м то́ки благода́ти; ра́дуйся, о нём же изумля́ются А́нгели.

Ра́дуйся, преслу́шание диа́кона в хра́ме наказа́вый; ра́дуйся, тщесла́вившагося сво́им гла́сом, и гла́са и я́зыка лиші́вый.

Ра́дуйся, я́ко, во вре́мя знóя, внеза́пу роса́, снизше́дшая Свѣ́ше, свяще́нную твою́ главу́ прохлади́; ра́дуйся, в зна́мени се́м бли́зость преставле́ния своего́ прови́девый.

Ра́дуйся, Спиридо́не, предивны́й чудотво́рче.

Конда́к 12

Покро́в и прибе́жище бы́вый все́м к тебе́ притека́ющим ве́рным е́ще в жити́й твоём, ты́, святите́лю, не оста́вил еси́ нас си́рых и по твоём успе́нии; Бо́г, побежда́ющий естества́ чин, сохра́ни святы́я мо́щи твоя́ нетле́нными во укрепле́ние правосла́вныя ве́ры и благоче́стия, в зна́мение безсме́ртія, Его́же прославля́юще, вопие́м: Аллилу́иа.

Ўкос 12

Воспева́ем тя, святите́лю Бо́жий, я́ко удиви́л еси́ ми́р чудесы́, истека́ющими от святы́х моще́й твои́х. Все́ бо с ве́рою приходя́щии и лобыза́ющии их получа́ют все́я благопотре́бная просі́мая. И мы́, да́вшаго тебе́ кре́пость, венча́вшаго тя венце́м нетле́ния и де́йствующаго тобо́ю Бо́га прославля́юще, вопие́м ти́:

Ра́дуйся, во вре́мя гла́да корабе́льником я́вивыйся и пи́щу доста́вити повеле́вый;

ра́дуйся, слепы́м, с ве́рою прите́кшим к святы́м моще́м твои́м, зре́ние дарова́вый.

Ра́дуйся, от неисце́льныя болёзны о́трока исцели́вый; ра́дуйся, бе́са из жены́ изгна́вый и здра́ву ю́ сотвори́вый.

Ра́дуйся, возбра́нный воево́до Керки́ры; ра́дуйся, я́ко по́лчища злочести́вых ага́рян изгна́л еси́ и корабли́ их в пучи́не пото́пил еси́.

Ра́дуйся, егóже видеша́ окру́женного со́нмом А́нгелов, в десни́це ме́ч держа́вша и в трéпет враго́в привéдша; ра́дуйся, создáти себе́ хра́м, во е́же соверша́ти в нём литурги́ю на прэ́сном хле́бе, воево́де возбра́ни́вый.

Ра́дуйся, воево́ду лати́нского лю́тою сме́ртию порази́вый; ра́дуйся, мо́лниею изображе́ние егó в до́ме в Вене́ции соже́гший.

Ра́дуйся, отсту́пства и лжемудрова́ния За́пада посра́ми́вый; ра́дуйся, еди́ную правосла́вную ве́ру бы́ти и́стинную и спаса́тельную для челове́ков утверди́вый.

Ра́дуйся, Спиридо́не, предивный чудотво́рче.

Конда́к 13

Опречу́дный святите́лю Хри́стов, о́тче Спиридо́не! Ны́нешнее на́ше моле́ние приéм, изба́ви нас от все́х бе́д и напа́стей, укрепи́ на враги́ страну́ на́шу, да́руй нам оставле́ние прегреше́ний и изми́ от ве́чныя сме́рти все́х вопию́щих о тебе́ к Бо́гу: Аллилу́иа.

Этот конда́к читается трижды, затем и́кос 1-й и конда́к 1-й.

И́кос 1

От ю́ности украше́нный все́ми добродете́лями, жити́ем своим А́нгелом подража́вый, ты́, святите́лю Спиридо́не, вои́стинну показáлся еси́ дру́г Хри́стов; мы́ же, зря́ще тя́, небэснаго челове́ка и земна́го А́нгела, со благоговéнием уми́льно вопи́ем ти́:

Ра́дуйся, уме́, созерца́яй та́йны Пресвяты́я Трои́цы; ра́дуйся, обогати́выйся Ду́ха пресве́тлым осия́нием.

Ра́дуйся, свети́льниче многосве́тлый; ра́дуйся, ум тво́й безстра́стием просвети́вый.

Ра́дуйся, измла́да и́стинную простоту́ и безмо́лвие возлюби́вый; ра́дуйся, украше́ние целому́дрия.

Ра́дуйся, любве́ неисто́щима́я струя́; ра́дуйся, я́ко страннолю́бию Авраа́ма подража́л еси́.

Ра́дуйся, я́ко все́м любвеоби́льно вхо́ды до́ма свое́го отверза́л еси́; ра́дуйся, ни́щих предста́телю.

Ра́дуйся, пред нимже благоговéют лю́дие; ра́дуйся, я́ко ты́ еси́ обита́лище Пресвята́го Ду́ха.

Ра́дуйся, Спиридо́не, предивный чудотво́рче.

Конда́к 1

Препросла́вленный от Го́спода святите́лю и чудотво́рче Спиридо́не! Ны́не всечестну́ю па́мять твою́ прáзднующе, я́ко мно́го могу́щему споспешествова́ти нам о просла́вльшем тя́ Хри́сте, уми́льно вопи́ем ти́: изба́ви нас от вся́ких бе́д и зóл, да с благодарéнием зове́м ти́:

Ра́дуйся, Спиридо́не, предивный чудотво́рче.

Моли́тва Спиридону

О, вели́кий и пречу́дный святите́лю Хри́стов и чудотво́рче Спиридо́не, Керки́рская похвало́, всея́ вселéнныя свети́льниче пресве́тлый, тёплый к Бо́гу моли́твенниче и все́м к тебе́ прибега́ющим и с ве́рою моля́щимся скоропреди́тельный засту́пниче! Ты́ ве́ру правосла́вную на Никéйстем Собóре посреде́ отце́в пресла́вно изья́снил еси́,

триединство Святыя Троицы чудесною силою показал еси и еретиков до конца посрамил еси. Услыши нас, грешных, святителю Христов, молящихся тебе, и сильным твоим предстательством у Господа избави нас от всякаго злаго обстояния: от глады, потопы, огня и смертоносныя язвы. Ты бо во временней жизни своей от всех сих бедствий избавлял еси людей твоих: от нашествия агарян и от глады стран твою сохранил еси, царя от неисцельнаго недуга избавил и многия грешники к покаянию привел еси, мертвых преславно воскрешал еси, за святость же жития твоего Ангелы, невидимо в церкви поющия и сослужащия тебе, имел еси. Сице убо прослави тебе, вернаго Своего раба, Владыка Христос, яко вся тайная человеческая деяния дарова тебе разумети и обличати неправедно живущия. Многим, в скудости и недостаточестве живущим, ты усердно помогал еси, люди убогия изобильно во время глады напитал еси и ина многа знамения силою в тебе живущаго Духа Божия сотворил еси. Сице и нас не остави, святителю Христов, поминай нас, чад своих, у Престола Вседержителя и умоли Господа, да подаст многих наших грехов прощение, безбедное и мирное житие да дарует нам, кончины же живота непостыдныя и мирныя, и блаженства вечнаго в будущем веке сподобит нас, да выну возсылаем славу и благодарение Отцу и Сыну и Духу Святому, ныне и присно и во веки веков. Аминь.

Молитва Спиридону 2-я

О, всеблаженне святителю Спиридоне, великий угодниче Христов и преславный чудотворче! Предстояй на Небеси Престолу Божию с лики Ангел, призри милостивым оком на предстоящия зде люди и просящия сильныя твоея помощи. Умоли благоутробие Человеколюбца Бога, да не осудит нас по беззакониям нашим, но да сотворит с нами по милости Своей. Испроси нам у Христа и Бога нашего мирное и безмятежное житие, здравие душевное и телесное, земли благоплодие и во всем всякое изобилие и благоденствие, и да не во зло обратим благая, даруемая нам от щедраго Бога, но во славу Его и в прославление твоего заступления! Избави всех верою несумненною к Богу приходящих от всяких бед душевных и телесных, от всех томлений и диавольских наветов. Будь печальным утешителем, недугующим врач, в напастех помощник, нагим покровитель, вдовицам заступник, сирым защитник, младенцем питатель, старым укрепител, странствующим путеводитель, плавающим кормчий и исходатайствуй всем, крепкия помощи твоея требующим вся, яже ко спасению, полезная. Яко да, твоими молитвами наставляеми и соблюдаеми, достигнем в вечный покой и купно с тобою прославим Бога, в Троице Святей славимаго, Отца и Сына и Святаго Духа, ныне и присно и во веки веков. Аминь.

Молитва Спиридону 3-я

О, преблаженне святителю Спиридоне! Умоли благосердие Человеколюбца Бога, да не осудит нас по беззакониям нашим, но да сотворит с нами по милости Своей. Испроси нам, рабам Божиим (имена), у Христа и Бога нашего мирное и безмятежное житие, здравие душевное и телесное. Избави нас от всяких бед душевных и телесных, от всех томлений и диавольских наветов. Поминай нас у Престола Вседержителя и умоли Господа, да подаст многих наших грехов прощение, безбедное и мирное житие, да дарует нам, кончины же живота непостыдныя и мирныя и блаженства вечнаго в будущем веке сподобит нас, да непрестанно возсылаем славу и благодарение Отцу и Сыну и Духу Святому, ныне и присно и во веки веков. Аминь.